


## Ljetovanje roda na Duvanjskom polju u 2019. godini

### Storks spending summer 2019 in Duvanjsko polje:

Three Black Storks (*Ciconia nigra*) and three White Storks (*Ciconia ciconia*) were observed during summer 2019 in the southern part of Duvanjsko polje, at the site of Kovači - Brišnik. They were first recorded on April 16, and remained in polje until early August. No nesting activity was observed, which suggests that those were young birds.

Prema poznatim podacima bijela i crna roda su se rijetko mogle vidjeti na Duvanjskom polju. Posljednjih 15 godina kroz redovni monitoring ptica prikupljeni su značajni podaci o boravku ovih vrsta na Duvanjskom polju. Bijela roda je od 2003. do 2008. uglavnom viđana tokom proljeća u preletu (2003- 2 ind., 2004-4 ind., 2005-6 ind., 2006-10. ind., 2007-14 ind. i 2008- 12 ind.), a zabilježeno je i



nekoliko neuspješnih pokušaja pravljenja gnijezda. U 2019. godini zabilježene su 74 bijele rode u proljetnom periodu. Dvije ptice su bile prstenovane prstenovima iz Njemačke i Slovačke. U istoj godini po prvi put imali smo tokom cijelog ljetnoga perioda tri crne (*Ciconia nigra*) i tri bijele rode (*Ciconia ciconia*). Ptice su boravile u južnom dijelu polja na lokalitetu Kovači - Brišnik. Prvi put su zabilježene 16. aprila, a u polju su se zadržale do početka augusta. Ptice nisu pokazivale želju za pravljenjem gnijezda, što upućuje na to da se radilo o mladimpticama. Tokom dana su boravile po polju, a pred zalazak Sunca su se vraćale na noćenje u bare ispod groblja u Kovačima. Zadržavanje tokom ljeta 2019. vjerovatno je posljedica povoljnih meteoroloških prilika, na što ukazuje i prisustvo i drugih vrsta koje ne gnijezde na Duvanjskom polju (npr. žličarka *Platalea leucorodia*).

**Slike 1-2.** Crna roda (*Ciconia nigra*) i bijela roda (*Ciconia ciconia*) na Duvanjskom polju (Foto: Mirko Šarac)

**Figures 1-2.** Black Stork (*Ciconia nigra*) and White Stork (*Ciconia ciconia*) at Duvanjsko polje (Photo: Mirko Šarac)

Mirko Šarac

Ornitološko društvo Naše ptice  
Semira Frašte 6, 71000 Sarajevo  
naseptice@hotmail.com